



Nunatsinni Nakorsaaneqarfik

Naartusunik ilummoornermut akiuussutissiisarneq pillugu Nunatsinni Nakorsaaneqarfiup ilitersuussiaa nr. 7/2023

Peqqinnissakkut sullissisunut, naartusunik ilummoornermut akiuussutissiisussanut tamanut
Saqqummiunneqartoq: 9. 10. 2023

Imarisai

Ilitersuummi siunertaasoq	2
Naartusunik ilummoornermut akiuussutissiinermut tunuliaqutaasoq	2
Naartusunik ilummoornermut akiuussutissiinermi siunertaasoq	2
Ilitersuummi matumani kikkut pineqarpat	2
Qullersat akisussaaffiat	2
Juumuup, nakorsap imal. Peqqinnissakkut sullissisup allap akisussaaffia	2
Piffissap naartusut ilummoornermut akiuussutissinneqarfissaat	3
Ilummoornermut akiuussutissiineq	3
Kingunerluutit	4
Kingorna meeqqap akiuussutissinneqarnissaa	4
Allattugaatinut nalunaarsuineq	4
Najoqqutarisat naapertuuttut	4
Atuutilerfia	4

Iltersuummi siunertaasoq

Iltersuut naartusunik ilummoornermut akiuussutissiisarneq pillugu maleruagassat suunerannik suullu piumasaqaataanerannik paasissutissiillunilu erseqqissaassaaq.

Naartusunik ilummoornermut akiuussutissiinermit tunuliaqutaasoq

Ilummoorneq tuniluutiasoq, peruluutaasinnaasoq meeraaqqanilu- pingaartumik suli pingasunik qaammateqalersimanningsuni, taamaalillutillu suli ilummoornermut akiuussutissinneqanngitsuni- inuunermit navianartorsiortitsisinnaasoq. Meeqqat suli qiteqqutinngitsut ilummuulersut (pertussis), amerlanersaat napparsimmavimmut unitsinneqartariaqassapput, qujanartumilli peruluutaasunik kingunerluuteqartarneq qaqtigoorpoq toqusoqartarneralu suli qaqtigoornerulluni.

Naartusunik ilummoornermut akiuussutissiinermit siunertaasoq

Ilummoornermut akiuussutissinneqarneq anaanamut meeqqamullu isumannaatsuuvooq naalungiarsuullu qaammataani siullerni ilummoornermut illersuutaalluni. Ilummoornermut akiuussutissiineq, naartusup naartuminut ingerlateqqitassaaniq, annertuumik akiuussutissiornissaaniq qulakkeerivoq. Taamaamat naartunerup pingasunut avinnerisa aappaanni pingajuannilu ilummoornermut akiuussutissinneqartarnissaat, Nunatsinni Nakorsaaneqarfimmit innersuussutaavoq.

Iltersuummi matumani kikkut pineqarpat

Iltersuummi pineqartut tassaapput juumuut, nakorsat peqqinnissakkullu sullissisut allat, naartusunik ilummoornermut akiuussutissiisussat tamarmik.

Qullersat akisussaaffiat

Ilummoornermut akiuussutissap naartusunut tamanut neqeroorutigineqarnissaa, akiuussutissiinermit inatsisit maleruagassallu eqquutsinneqarnissaat, Peqqinnissaqarfimmi qullersat akisussaaffigaat.

Taanna makkunanga imaqarpoq:

- Akiuussutissiinerup nakorsamit pingaarnertut akisussaaffigineqarnissaa.
- Sulisut ilummoornermut akiuussutissiisussat ilinniartinneqarsimanissaat iltersuutillu matuma imarisaanik ilisimanninnissaat malinninnissaallu.
- Akiuussutissiinissami najoqqutassamik, akisussaaffinnut suliakkiinermilu toqqammavissanut tunngasunik maleruagassiortoqarnissaa.
- Ilummoornermut akiuussutissiinissamut, iltersuummut matumunnga tunngatillugu pisarialinnik naapertuuttunik malittarisassiortoqarsimanissaa.

Juumuup, nakorsap imal. peqqinnissakkut sullissisup allap akisussaaffia

Nakorsaq, Kalaallit Nunaanni nakorsaarneq pillugu inatsit naapertorlugu namminersorluni nakorsatut sulisinnaatitaasoq allaluunniit nakorsap akisussaaffigisaanik suliakkigaq (ilinniagaqassuseq tunngavigalugu peqqinnissakkut sullissisinnaasutut suliakkigaq) akisussaasuussaaq. Akiuussutissinneqartussaanningsut pillugit nalorninermi kingunerluutillu tassanngaannaq takkuttut iliuuseqarfiginissaannut, juumuut imal. peqqinnissakkut sullissisut allat saaffigisinnaasat kinaasoq, tamatigut qularnaatsumik ilisimaneqassaaq.

Juumuup, nakorsap peqqinnissakkulluunniit sullissisup allap, naartusunik misissuisarnernik isumaginnittup, ilummoornermut akiuussutissaq pillugu pisarialimmik, kiisalu iluaqutitaanik kingunerluutaasinnaasunillu, naartusumut paasissutissiinissaq akisussaaffigaa. Taamatuttaaq, nakorsaq juumoorlu imal. peqqinnissakkut sullissisoq alla naartusunik akiuussutissiisoq, kingunerluutaasinnaasut eqqumaffigisinnaajumallugit, ilitersuummik matuminnga malinninnissamut kiisalu akiuussutissaq (Boostrix imal. Triaxis) pillugu paasissutissiisummik naalisakkamik atuarnissamut pisussaaffeqarpoq.

Piffissaq naartusut ilummoornermut akiuussutissinneqarfissaat

Naartunerup pingasunut avinnerisa aappaanni imal. pingajuanni akiuussutissinneqartariaqarput. Pilersaarutaasutut juumuumi misissortinnissamut atatillugu imal. peqqinnissakkut sullissisumi allami suliakkerneqarsimasumi, akiuussutissiinissaq pilersaarusioneqartariaqarpoq. Tamatuma saniatigut naartusoq akiuussutissinneqarniarluni, najukkami peqqinnissaqarfimmut saaffiginnissinnaassaaq. Erniffissatut naatsorsuutigisaq sap. akunneranik ataatsimik sioqqullugu-tamatuma kingorna naatsorsuutigineqartutut inoorlaamut illersuutaasinnaangimmat- ilummoornermut akiuussutissinneqarnissaq innersuussutaavoq.

Naartusunut najukkaminni pinnatik illoqarfimmi allami ernisussanut, erninissaq sap. ak. pingasunik sioqqullugu tikinniariapata akiuussutissinneqarsimanersut paasiniallugu malitseqartitsisoqartariaqarpoq. Akiuussutissinneqarsimanngippata ernivissaminnut tikinniariartut piaarnerpaamik akiuussutissinneqarnissamik neqeroorfigisariaqarput.

Marlulisussat/ amerlanerusunilluunniit ernisussat imal. naartusut allamik patsiseqartumik inortulisinnaasut, siusinnerusukkut - sap. ak. 16-issaat naamatillugu naartusuniit- akiuussutissiisoqarsinnaavoq.

Nappaammut akiuussutissat sapinngisamik annertunerpaat naartumut ingerlateqqinneqarnissaat qulakkeerniarlugu, arnat naartunerit tamaasa ilummoornermut akiuussutissinneqartarnissat innersuussutaavoq.

Arnamut ilummoornermut akiuussutissinneqarnissaq sioqqullugu ilummoorsimamera uppernarsineqartumut, akiuussutissinninneqarnissamut neqeroornissaq aamma innersuussutaavoq.

Ilummoornermut akiuussutissiineq

Ilummoornermut akiuussutissamut (Boostrix imal. Triaxis) akuupputtaaq toqqusaarlummut (difteri) noqarnermullu (tetanus) illersuutit.

Akiuussutissaq ataasiarlugu assaqqup nukingagut kapuutigineqassaaq. Akiuussutissap assaqqup nukingata annerup (musculus deltoideus) issunersaata qeqqani kapuutigineqarnissaa innersuussutaavoq. Akiuussutissaq 0,5 ml.-iuvoq

Naartusunik ilummoornermut akiuussutissiineq, akiuussutissiinerup naartusumut naartumullu isumannaanneranik takutitsisunik, ilisimatuussutsikkut annertuunik uppernarsaatissaqarpoq. Tamatuma saniatigut, ilummoornermut illersuut ernereermermi qaammatini siullerni 40%-it 90 %-illu akornanniilluni, nunani allani naartusunik ilummoornermut akiuussutissiineq annertuumik misilittagaqarfigineqarpoq.

Kingunerluutit

Illumoornermut akiuussutissinneqarnermi kingunerluutaasartut nalinginnaanerpaat, annikitsumik sivikitsumillu atugaasartut, tassaapput niaqorlunneq, kapitiffiup ippinnarnera, appillnera, pullannera, iluaalliorneq kissarneqarnerlu. Navianaatilinnik kingunerluuteqarsinnaaneq annikeqaaq. Taama qisuariaateqartarneq, akiuussutissinneqareernerup kingorna nal. ak. 48-it iluanni pigajuppoq. Kingunerluutaasinnaasunut allanut tunngatillugu, Boostrix imal. Triaxis pillugit paasissutissat naalisakkat akuerisat innersuunneqarput.

Kingorna meeqqap akiuussutissinneqarnissaa

Arnaa naartunermini illumoornermut akiuussutissinneqaraluaq, meeqqanik akiuussutissiisarnermut najoqqutassaq naapertorlugu, meeraq aamma illumoornermut akiuussutissinneqassaaq. Meeraq pingasunik qaammateqalerpat siullermik illumoornermut akiuussutissinneqassaq, tamatumalu kingorna tallimanik aqqaneq marlunnillu qaammateqalerpat illumoornermut akiuussutissinneqassalluni. Meeraq illumoornermut sapingisamik pitsaanerpanik illersuutissaqarsinnaaqullugu, piffissaq eqqorlugu akiuussutissinneqarnissaa pingaaruteqarpoq.

Allattugaatinut nalunaarsuineq

Peqqinnissakkut sullissisut, inatsit naapertorlugu pilersaarutaallutillu naammassisanik tamanik taakkulu pillugit paasissutissiinernik, allattugatinut nalunaarsuinissamut pisussaaffeqarput.

Allattugaatinut nalunaarsuineri maleruagassat nalinginnaasut, peqqinnissakkut sullissineri sulianik uppernarsaaneq pillugu Nunatsinni Nakorsaaneqarfiup ilitsersuusaaani, immikkut nassuiarneqarput.

Najoqqutarisat naapertuuttut

Naartusunik illumoornermut akiuussutissiineq - Sundhedsstyrelsen

Atuutilerfia

Ilitsersuut atuutilerpoq 9. oktober 2023.

Nunatsinni Nakorsaaneqarfik/Landslægeembedet,

19. september 2023

Henrik L. Hansen / Louise L. Faber